



SVEUČILIŠTE U MOSTARU UNIVERSITAS STUDIORUM MOSTARIENSIS

Trg Hrvatskih velikana 1, 88000 Mostar, BiH
Tel.: +387 36 310-778; +387 36 327-815, +387 36 337-070
Fax: +387 36 320-885
E-mail: mail@sve-mo.ba

Ur.broj: 01-1729/17

Mostar, 2. listopad 2017. godine

**Dekanima ustrojbenih jedinica
Sveučilišta u Mostaru**

Predmet: Dopis u vezi dostave podataka za dodjelu jednokratne podrške Federalnog ministarstva obrazovanja i znanosti najboljim studentima, d o s t a v l j a s e

Poštovani,

koristim priliku obavijestiti Vas kako je Federalno ministarstvo obrazovanja i znanosti objavilo javni poziv za dodjelu jednokratnih novčanih nagrada najboljim studentima, državljanima BiH koji studiraju na javnim visokoškolskim ustanovama u Federaciji BiH čiji je uspjeh ostvaren do kraja akademske 2016./2017. godine.

Kriteriji za nominaciju studenata definirani su u javnom pozivu Federalnog ministarstva obrazovanja i znanosti koji Vam dostavljamo u prilogu.

Molim Vas nominirajte s Vaše institucije jednog najboljeg studenta imajući u vidu navedene kriterije, te odluku o tome zajedno s potrebnom obvezujućom dokumentacijom definiranom u javnom pozivu Federalnog ministarstva obrazovanja i znanosti, dostavite u Rektorat Sveučilišta u Mostaru, najkasnije **do ponedjeljka, 23. listopada 2017. godine.**

O rezultatima javnog poziva, kao i načinu uručenja nagrada, bit ćete blagovremeno obaviješteni.

S osobitim poštovanjem,



Rektor:
prof. dr. sc. Zoran Tomić

Broj: 04-38-4-3921-1/17
Mostar, 27. 9. 2017. godine

UNIVERZITET U SARAJEVU
Obala Kulina bana 7
71000 SARAJEVO

29.9.2017

UNIVERZITET U TUZLI
Ulica dr. Tihomila Markovića 1
75000 TUZLA

01 1712

SVEUČILIŠTE U MOSTARU
Trg hrvatskih velikana 1
88000 MOSTAR

UNIVERZITET U ZENICI
Fakultetska 3
72000 ZENICA

UNIVERZITET „DŽEMAL BIJEDIĆ“ U MOSTARU
Univerzitetski Kampus
88104 MOSTAR

UNIVERZITET U BIHAĆU
Ulica Kulina bana 2
37000 BIHAĆ

FRANJEVAČKA TEOLOGIJA SARAJEVO
Aleja Bosne Srebrene 111
71000 SARAJEVO

PREDMET: Podrška najboljim studentima, državljanima Bosne i Hercegovine koji studiraju na javnim visokoškolskim ustanovama u Federaciji BiH

Poziv za kandidiranje najboljih studenata – dostavlja se

Poštovani,

Federalno ministarstvo obrazovanja i nauke dodijelit će jednokratnu podršku najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji Bosne i Hercegovine, koji su uspjeh ostvarili do kraja akademske 2016/2017. godine.

U skladu s Odlukom o provođenju postupka kandidiranja za dodjelu podrške najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji Bosne i Hercegovine broj: 04-38-4-3921/17 od 27. 9. 2017. godine, javni univerziteti/sveučilišta trebaju izvršiti izbor najboljih studenata te kandidirati po jednog najboljeg studenta za svoju organizacionu jedinicu, prema kriterijima koje je utvrdilo ovo ministarstvo.

Kriteriji koji moraju biti ispunjeni - eliminatorni:

- Podrška se odnosi na najbolje studente I i II ciklusa studija;
- Podrška se ne odnosi na studente prve godine I. ciklusa studija;
- Može biti kandidiran po jedan najbolji student iz svake organizacione jedinice/fakulteta, akademije ili pridruženih članica na svakom javnom univerzitetu/sveučilištu u Federaciji BiH;
- Kandidira se student/ica s najboljim prosjekom ocjena na dosadašnjem studiju;
- Ukoliko dva studenta imaju isti prosjek ocjena, prednost ima student starije godine studija, a ako su na istoj godini studija prednost ima student koji je tokom studija učestvovao u naučnom, stručnom i volonterskom radu.

Jedan fakultet, akademija ili pridružena članica te Franjevačka teologija Sarajevo **ne mogu kandidirati** više od jednog studenta/studentice.

Broj odobrenih stipendija/nagrada talentiranim studentima je jednak broju organizacionih jedinica/fakulteta, akademija i pridruženih članica na svakom javnom univerzitetu/sveučilištu u Federaciji Bosne i Hercegovine.

Pozivamo vas da, u skladu s odredbama teksta Odluke, prema kriterijima navedenim u ovom pismu, dostavite popis s imenima najboljih studenata kako slijedi:

R.br.	Javne, privatne i vjerske visokoškolske ustanove	Broj organizacionih jedinica			UKUPNO:
		akademija	fakulteta	pridružen	
1.	Univerzitet u Sarajevu	2	21	3	26
2.	Univerzitet u Tuzli	1	12		13
3.	Sveučilište u Mostaru	1	10		11
4.	Univerzitet u Zenici		8		8
5.	Univerzitet „Džemal Bijedić“ Mostar		8		8
6.	Univerzitet u Bihaću		7		7
7.	Franjevačka teologija u Sarajevu		1		1
	Ukupno				74

U prilogu ovog pisma dostavljamo tekst Odluke o provođenju postupka kandidiranja za dodjelu podrške najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji BiH. Odluka broj: 04-38-4-3921/17 od 27. 9. 2017. godine objavljena je i na Internet stranici Ministarstva www.fmon.gov.ba

Za finansijsku realizaciju, uz popis-listu najboljih studenata potrebno je dostaviti sljedeću dokumentaciju:

- ovjerena kopija lične karte studenta,
- ovjerena kopija CIPS-ove prijave prebivališta,
- ovjeren prosjek ocjena tokom cijelog studija (akademski uspjeh) i
- potvrda banke o posjedovanju tekućeg računa u banci, s brojem transakcijskog računa banke (ne starija od tri mjeseca).

Očekujemo da ćete ovom ministarstvu dostaviti liste izabranih studenata s dokumentacijom potrebnom za realizaciju do 3. 11. 2017. godine.

S poštovanjem,

MINISTRICA

prof. dr. Elvira Dilberović

Prilog:
- kao u tekstu

Broj: 04-38-4-3921/17
Mostar, 27. 9. 2017. godine

Na osnovu člana 56. i člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 3. Budžeta Federacije Bosne i Hercegovine za 2017. godinu („Službene novine Federacije BiH“, broj 104/16) i Odluke o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2017. godinu Federalnom ministarstvu obrazovanja i nauke („Službene novine Federacije BiH“, broj 23/17), federalna ministrica obrazovanja i nauke donosi

ODLUKU

o provođenju postupka kandidiranja za dodjelu podrške najboljim studentima, državljanima Bosne i Hercegovine s prebivalištem na području Federacije BiH koji studiraju na javnim visokoškolskim ustanovama u Federaciji Bosne i Hercegovine

I

Ovom odlukom se otvara postupak kandidiranja za dodjelu podrške najboljim studentima, državljanima Bosne i Hercegovine s prebivalištem na području Federacije BiH koji studiraju na javnim visokoškolskim ustanovama u Federaciji BiH uključujući studente Fakulteta islamskih nauka u Sarajevu, Vrhbosanske katoličke teologije u Sarajevu i Franjevačke teologije u Sarajevu.

II

Postupak kandidiranja provest će se na osnovu prijedloga dostavljenih od strane javnih univerziteta/sveučilišta s područja Federacije Bosne i Hercegovine.

III

Podrška će se dodijeliti u vidu jednokratne pomoći - nagrade redovnim studentima državljanima Bosne i Hercegovine, s prebivalištem na području Federacije Bosne i Hercegovine, prema kriterijima utvrđenim Odlukom o usvajanju programa utroška sredstava s kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2017. godinu Federalnog ministarstva obrazovanja i nauke studentima koje će predložiti univerziteti/sveučilišta s područja Federacije Bosne i Hercegovine i koji su ostvarili najbolji uspjeh u akademskoj 2016/2017. godini.

IV

Sredstva iz tačke I ove Odluke dodijelit će se iz sredstava utvrđenih u razdjelu 54. pozicija „Transfer za financiranje studentskog standarda“ ekonomski kod 614100 Budžeta Federacije Bosne i Hercegovine za 2017. godinu, označenih u Odluci o usvajanju Programa utroška sredstava s kriterijima raspodjele sredstava tekućih transfera pod tačkom I stav 3. „Transfer za finansiranje studentskog standarda“, redni broj 2. „Prošireni studentski standard“ potprogram 2.3. „Podrška najboljim studentima državljanima Bosne i Hercegovine“, koji studiraju na javnim visokoškolskim ustanovama u Federaciji BiH“.

V

Za provođenje Javnog poziva upućenog javnim univerzitetima i fakultetima iz tačke I ove Odluke te izradu prijedloga za dodjelu sredstava, zadužuje se Komisija za dodjelu podrške u oblasti proširenog studentskog standarda imenovana Rješenjem federalne ministricе obrazovanja i nauke.

Sačinjeni prijedlog Komisija će uputiti Stručnom kolegiju i ministrici na usvajanje.

VI

Vrijednost odobrenih stipendija/nagrada najboljim studentima će biti uvjetovana visinom raspoloživih sredstava i jednaka za sve studente. Bit će nagrađen/a po jedan/na najbolji/a student/ica na svakoj od 74 organizacione jedinice koliko ih ukupno ima na javnim univerzitetima/sveučilištu u Federaciji BiH te Franjevačkoj teologiji Sarajevo.

VII


Uz navedeno, u tekstu Obavještenja o provođenju postupka bit će definirani kriteriji za dodjelu stipendija i druga pitanja neophodna za provođenje istog.

VIII

Obavještenje o provođenju postupka kandidiranja biti će objavljeno na službenoj Internet stranici Ministarstva.

IX

Ova odluka stupa na snagu danom donošenja.


MINISTRICA
Elvira Dilberović
prof. dr. Elvira Dilberović